



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Cavssa Helvetica Orthodoxae Fidei**

**Murner, Thomas**

**Lucernae, 1528**

**VD16 M 7034**

Conclusio XXXV.

**urn:nbn:de:hbz:466:1-29525**

A C T A

tronibus, furib<sup>9</sup>, lupis & apostatis religionis Christi, q̄ cōtra uerbū dei supra nos cōminant, quorū uerborū & his similiū pleni sunt, & exundant oēs sui libelli. Taceo de occulta praxi cum multis habita. Sunt hæc ne bella uestra, diffidationes & damna Romano Pontifici inferēda, quippe quod in germania tanto in miseros rusticos deseuiſtis, Romā digito indicastis, certe nostrū met natale solum corde uolentes, in patriæ laboratis excidiū, ubi adhuc longq̄ tempore Romanus Pontifex a uobis quierē & pacem est habiturus. Finem tamen uel semel hic faciam uestrarū iniuriarū uis illatarū, ut ad terminum uestrorū pessime factorū peruenire possimus.

SEQVUNTUR CONCLVSIONES

de iniurijs & contumelijs mortuorū.

CONCLVSIO XXXV.

Famosus est qui a deo & cœlitib<sup>9</sup> salutā castam atq; pudicā uirgunculā deiparā Mariā cōmunic; Christiani orbis cōsensu a deo uenerandā habitā ( ut eius uiolator es etiā solis uerbis capitali iudicio damnarit) dehonestarit. Nam hæc utpote matrem & ueteri & noua lege inauditis præconijs præcepit & mundo & sibi honorandam.

Nihil hic est ut p̄sumamus laudes & uenerationē diuæ genitricis Mariæ matris Ihesu Christi uerbis explicare, potius equidē uerbis id fieri negt, multis hoc facere p̄positi non est p̄sentis, sed neq; totius orbis hoc facere efficacit sufficit. Hoc autē me misere habet qd' obstinati isti euangelicij neq; & nebulones mox ut se huic suæ sectæ addixerint, hostes sunt nobilis simæ dei genitricis, adeo ut nihil tollerare queant qd' eius memoriā exprimat, ut sunt eius in ecclesia fidelium imagines statuarū & figuræ, tam impudice & turpissime de ea loquunt, ita ut audire nephas sit uiro Christiano, tantis sceleris maculā hoc tegentes pallio, quippe quod soli deo tribui debeat & honor & gloria. Mirū hic uideri posset quando hæc inter filiū Christum

M V R N E R I.

stum & matrem diuam Mariā hostilitas interciderit, ut matris honor filij sui sit æstimatū dedecus. Antiqua Christianorum religio matris honorem præcipue in diuinū honorem referebat. Aperte enim in scripturis adhuc plures habent honores. Am dei honore, ut scilicet est patētū honor. Et Hester vi. Sic honorabitur quem uoluerit rex honorare, si igitur mundi totius rex maximus tāto eam honore dignatus est, possent & hij nequam hunc regis honorem suæ matri exhibitum, & ipsi patienter tollere.

Diuis inq̄ Iohānes ut matre sibi testata sub crucis agone, proculdubio honore exhibuit huius præcepti uigore. Honorat patrem tuum & matrem &c. qui tamen iuxta hoc proculdubio deo diuinū & debitū honore impendit, sed hij nebulosus matris honore filij censent iniuriā, ubi exemplo Iohannis a tanta iniuriā & malicia temperare deberēt. Sed aiunt se idolatriam formidare, nouimus ab idolatria cauere, antea quam pessimus quicq̄ diabolus has mundi pestes in nostras plagas & exterminium huic mundo incacauit.

Ideoq̄ me spes fouet indubitata eos in hoc hamo mortem aliquādo efuros & deglutituros. De Mariā enim uirgine sancta canit mater ecclesia. Tu sola cūctas hereses interemisti in uniuerso mundo. Spero futurū ut aliquando diuina iustitia hanc suæ matri irrogatā iniuriā ulciscat, firmissime credo diuæ uirginis honorem & amorem cordibus fidelium altius infudisse & inradicasse, quam ut ab his furibus & apostatis eradicari & exelli possit. Horum uerborum aliquando eos comonefaciam, quū illos perspexero, miseris animas suas in igne iuxta patibulū expirare. O deus iustus & uerax, fac ut hæc uideant ante mortem meam oculi mei, quibus uindictā cernamus de tanta læsa maiestate genitricis tuæ.

C O N C L U S I O XXXVI.

Famosus est q̄ corpora mortuorum e sepulchris extraxerit, uel ossa eruerit, aut sepulchra diruerit, q̄a sepulchri uiolati actio